

總理河漕奏疏

樂



總理河漕奏疏卷之二

臣潘季馴謹題

議留陞任府官疏

為議留陞任府佐官員以安地方以竣河工事
據分守東兗道左叅政郝維喬呈蒙臣批據張
秋鎮鄉民馬蒞等告稱本府通判王心駐劄本
鎮連年饑歉幸得本官弭盜安民雞犬不驚水
驛調停頓蘇疲累其南旺大挑安山隄閘夙夜
在公見修鎮城敵臺採石雇夫費省千金况今

工程未完賢明陞任萬姓失望懇乞保留等情
蒙批仰分守道查議通詳繳蒙此續准本司咨
蒙撫按兩院批據民人馬蒞等告同前事俱蒙
批行布政司查報移咨本道煩查通判王心是
否工程未完所告保留事體人情有無妥便應
否准從咨司轉報准此行據兗州府查申前來
該本道看得兗州府捕盜管河通判王心駐劄
張秋本係衝繁之地連歲荒歉且值多事之時
本官才能肩鉅守有執持巡捕謹嚴而城鎮鄉

村悉無盜賊之警撫恤勤苦而驛卒災民咸沐
保障之恩聲實並茂上下咸孚誠府佐之翹楚
地方之福星也今報陞任姚州知州不惟小民
失望且原委安山湖八里灣似蛇溝築隄建閘
題奉

欽依三月內工完而該鎮兩岸議修敵臺四座亦係
本官經理俱各未竣若聽其赴任前工限迫得
人甚難委應保留以終工程以慰民望第以府
佐今加州銜似屬不便合無具

題加以同知職銜仍舊管事庶地方人情兩有攸
賴等因呈詳到臣據此卷查先該臣題爲檢查
節奉

欽依河工分派司道各官以便責成以圖早竣事議
得安山湖築隄一道八里灣似蛇溝建閘二座
題奉

欽依督行管河司道專委通判王心管理工將就緒
聞報陞任隨據北河郎中吳之龍呈稱河工時
值興作本官專任責成若用新以間舊事廢半

途將有初而鮮終功虧一簣詢之輿情胥願借
寇揆之時宜合當議留等因到臣已經催行上
緊督工候事完離任間又據鄉民馬蒞等一千
人衆赴臣告要保留情詞懇切又經批行該道
查報去後今據前因該臣會同巡撫山東右副
都御史李戴巡按山東監察御史吳龍徵議照
張秋夾居河漕之間關係甚重水陸交衝之地
寇警不常故設府佐以司專城得人最爲喫緊
通判王心絕無將迎之態雅有幹濟之才巡緝

甚嚴而地方無繹騷之患濬築有法而錢糧無
冒破之虞工程經理方殷民心挽留甚切該道
所議似應俯從伏乞

勅下吏部酌議如果臣等所言不謬將通判王心或
陞同知職銜或加五品服俸照舊張秋管事其
姚州知州員缺另行選補庶河工刻期底績衝
地賴以獲安矣謹題請

旨

復修湖隄疏

爲復修湖隄以便蓄水濟運事據管理南旺泉
閘主事王元命濟寧道按察使曹子朝分守東
兗帶管分巡兗州道叅政郝維喬呈蒙臣劄案
俱爲檢查節奉

欽依河工分派司道各官以便責成以圖早竣事分
行司道遵照工部議覆工科都給事中常居敬
原題各項工程勒限興舉除將應修閘壩斗門
等工俱已如法覈砌將完馬踏安山二湖應築

約水土隄見今工有次第通候另報外其蜀山馬場南旺三湖各原議築束水子隄一道以爲封界及南旺湖中隄一道嚴督官夫修築間節據委官兗州府同知陳昌言等呈稱各湖先年創有封疆老隄水至隄根十常八九後因隄防廢弛湖水難蓄蒙工科踏勘之時正值亢旱舉目禾黍故議築子隄中亘長隄隄內蓄水隄外召佃官民兩便但自去歲夏秋恒霖斗門洞開坎河壩築涓滴不遺水勢瀰漫卽今湖中築隄

不惟水深工難縱築成隄內外汕刷易圯又恐湖狹水微似非濟漕初意且地被水占亦難召佃利民查得嘉靖二十二年兵部侍郎王以旂清復湖界築有大隄年久傾廢似應修復蜀山湖西南一帶俱臨運河隄岸高聳無容別議其東北一帶自南頭馮家滾水壩起至蘇魯橋迤南大隄頭止俱有舊隄根址相應修復自大隄頭至南旺田家樓止原係受水門戶今應密植柳株以正封界水至入湖爲運河之資水退據

柳爲民田之限馬場湖地勢南面臨河窪下出水濟運北面原係入水渠道今宜照舊仍留入水密栽柳樹以爲湖界東面舊隄約長八里餘相應修復南旺湖東面高埠遵照原議量留一里築子隄一道其餘三面應將原隄建復其中亘長隄正在湖中難以施工相度地勢應濬溝渠通接斗門庶爲完計各具呈前來覆該司道親閱相同委屬妥當雖與原議稍有不同求其濟運利賴則一呈乞酌議題

請等因到臣據此卷查先該臣查將工科都給事中常居敬原題查復南旺等五湖築建隄壩閘座等工分委北河郎中吳之龍查復馬踏湖建永通閘築子隄修王巖口滾水石壩南旺主事蕭雍查復蜀山湖建坎河壩築束水隄修滾水大壩濟寧道按察使曹子朝查復馬場湖建通濟閘築子隄修安居斗門三座分守東兗道叅政郝維喬查復南旺湖修邢通等斗門十三處築封界子隄中亘長隄分巡兗州道僉事劉弘道

總理事務奏疏 卷一 六 四任
查復安山湖築封界隄建八里灣似蛇溝兩閘等因具

題該工部覆議備咨總理河道轉行司道各官查照分地竭力修治倘興工前後或有事體與原議稍異者即便從宜處置或有原議未盡者不妨別議增補通完

奏報等因覆奉

欽依咨臣通行司道督率興工勒限報竣去後今據前因覆閱相同除將閘壩斗門等工及馬踏安

山兩湖應築隄岸俱照原議候通完覈實類

奏外該臣看得運艘全賴于漕渠而漕渠每資于水櫃五湖者水之櫃也先該勘工科臣常居敬洞燭其源倡爲封界子隄之說蓋因比時旱魃爲災湖身龜裂地方之民乘時射利盡爲禾黍之場故欲築隄限之非瘠湖以就民乃限地以蓄水也良法美意可謂善之善者第自去年六月以後天雨頻仍湖水盈溢不惟湖地難耕卽民地亦成沮洳矣詢之湖濱年老之人皆云如

此景象向來歲居十七今欲盡洩湖水剏築子隄亦甚易易但恐築成之後根泡水中立見傾圮而子隄之外必成夾河豈能耕種隨查得先臣兵部侍郎王以旂原有土隄一道意與科臣常居敬封界正同而圍湖稍廣蓄水更多今歲之水正及隄址止因年久浸廢界址不明乾旱之時遂有越界私種者矣若將此隄加幫高厚盡復舊業隄內爲湖隄外爲地納水處所不便築隄密栽水柳爲界庶湖水不縮經界不淆而

亦不失科臣原

題之意矣其南旺湖中隄水內積土成功固艱隄成水泡汕刷必易似宜免築所據各司道之議相應依擬具

題伏乞

勅下該部再加查議如果臣言不謬覆議上請行臣遵照督令上緊修築勒限報竣謹題請

旨

題就近改調武城縣一面行令離任前來接管該縣印務并料理迎候

親王供應等項其丘縣印務暫委濮州判官徐大智署管員缺聽候另行銓補等因到道該兩道看得武城縣係水路要衝政務頗繁矧值

親王經臨一應供億事宜非得正官料理恐不能濟查得丘縣知縣馮三重年力精壯才識練達置之簡僻似不盡其所長若調武城委堪繁劇合無轉達具

題等因到司覆議相同呈詳到臣臣會同巡撫山東右副都御史李戴巡按山東監察御史吳龍徵議照武城縣設居水路要衝政務素稱浩繁况值

親王即日經臨一切供億等項事體尤重須賴才幹正官時加經理方克有濟乃知縣劉棟忽報病故缺官照管及照丘縣知縣馮三重才識敏練蒞事精詳僻地綽有餘閑治劇能堪盤錯若調武城委人與地方相宜而公務庶得速濟既

題就近改調武城縣一面行令離任前來接管該縣印務并料理迎候

親王供應等項其丘縣印務暫委濮州判官徐大智署管員缺聽候另行銓補等因到道該兩道看得武城縣係水路要衝政務頗繁矧值

親王經臨一應供億事宜非得正官料理恐不能濟查得丘縣知縣馮三重年力精壯才識練達置之簡僻似不盡其所長若調武城委堪繁劇合無轉達具

題等因到司覆議相同呈詳到臣臣會同巡撫山東右副都御史李戴巡按山東監察御史吳龍徵議照武城縣設居水路要衝政務素稱浩繁况值

親王卽目經臨一切供億等項事體尤重須賴才幹正官時加經理方克有濟乃知縣劉棟忽報病故缺官照管及照丘縣知縣馮三重才識敏練蒞事精詳僻地綽有餘閑治劇能堪盤錯若調武城委人與地方相宜而公務庶得速濟既

經司道議呈前來相應會

題伏乞

勅下吏部覆議速賜上

請合無將知縣馮三重就近改調武城縣行令作速

赴任接管印務料理迎候

親王供應等項事宜遺下丘縣員缺另行銓補施

行謹題請

旨

銓補河防官員疏

為河防緊急乞

恩就近銓補賢能官員事臣於三月十六日據徐州

兵備兼管河道按察使陳瑛揭稱南河郎中羅

用敬於三月初八日忽患喉毒病故見今河務

方殷缺官管理等因臣查得本官所管高家堰

清江浦范家口等處俱係兩河要害歲修之工

方在興舉寶應西土隄邵伯石隄適當諸湖之

濱題奉

欽依修築尚未告竣郎中羅用敬畢力肩承業有成
績忽爾奄逝臣實痛心除候工完之日將本官
另行敘報外臣竊照

欽修之工原限三月以裏併日而作猶懼愆期矧夏
令去今不過數日伏秋之備正在此時若候推
補前來遷延便須數月廢時失事必致踈虞矣
該臣會同總督漕撫侍郎舒應龍看得管理清
江廠兼管閘座工部營繕司署員外郎事主事
黃曰謹裊身狷潔任事精詳司閘禁而怨讎不

辭淤墊之患可免嚴廠務而工費俱省侵剋之
弊頓清况又處兩河之濱聞見甚確習知通塞
之故疏治不難若將本官轉擢南河郎中就近
到任接管則河防得人而官不久虛矣及又查
得臣於萬曆十六年十月內題爲申明修守事
宜以圖永賴事該工部覆稱今後中南兩河郎
中員缺

勅下吏部卽于工部主事查有曾經分司河上及歷
俸稍淺者遴選推補俟候職業克修容令歷俸

九年方爲破格遷擢題奉

欽依在卷今員外郎黃曰謹正係曾經分司河上之官若令銓補久任九年方行遷擢則非惟目前得其分猷之力而遲之歲月必收永賴之功矣其清江廠員缺另行推補伏望

勅下吏部再加查議如果臣等所言不謬覆

請施行河道幸甚臣愚幸甚謹題請

旨

銓補管河官員疏

爲黃河要害缺官乞

恩就近銓補以防伏秋事臣於三月十六日接到邸報內開南京戶部湖廣司缺員外推淮安府同知徐伸陞補等因該臣查得徐伸爲管河同知北自夏鎮珠梅閘起歷豐沛蕭碭徐邳睢寧等處至桃源縣止一帶黃河俱係本官管理而中間掃灣迎溜素稱善決者無處無之故河防惟以中河爲難而司道官之所責成者惟同知一

人而已矧今時將入夏去伏不遙捲埽護隄正當預備斷斷于畚鍤之內逐逐于河漕之濱殆未可以頃刻缺人者也若候銓補依限前來未免耽延時日倘從遠方陞調則又未可以時日計矣臣查得駐劄楊村河間府管河通判申安歷任甚著賢聲修防業有成效曾經通惠河郎中陸夢熊揭薦到臣楊村河患頗少未展其才山東德州知州趙可學才識通敏施爲練達節該司道開薦到臣查訪委爲可用臣於去年十

二月內將二臣具疏列薦之矣若於內揀選一員加以同知職銜前來管理河事必克有濟而二臣見任地方去中河不及千里恭候

命下之日容臣促令兼程趨任浹旬即可接管倘以本官資俸未深明開疏中令其久任於河道更爲有裨伏望

勅下該部再加查議如果臣言不謬覆

請陞補施行庶河防得人而要害不至久於缺官矣

謹題請

旨

本官資奉未親民間窮中令其父到京所直更
 命下之日容且到令無跡鼓到夾旨唱何對管前以
 二百員到此去中何不又千里恭新
 員吹以同映輝前前來管聖事必哀育齊而
 二月內錄二員具報原薦之矣若欲內對幾一

薦舉押運官員疏

為薦舉押運官員以飭漕政事照得今歲運艘
 仰賴我

皇上威靈神運且於昨歲

特允會議申嚴司道督押之

請一時各省在事之臣罔不兢惕悚意殫精倍於往
 昔即當災歉減折艱阻之餘而綜理督趣無有
 寸畧之暇至今過淮過洪無失常期則各該部
 押道府等官劬劬勞績誠有不容泯者例應薦

敘以示勸酬臣謹會同總督漕撫戶部右侍郎
兼都察院右僉都御史舒應龍巡按直隸監察
御史陳惟芝看得管理漕務山東布政司左叅
議陳文燧材優於遺大投艱慮周於阜民裕
國持法紀足以息交兌之閔爭殫猷爲悉欲貽困
儲之永利整飭徐州兵備兼管河道山東按察
司按察使陳瑛防運能建威以銷萌治河本駕
輕而就熟舳舻利涉而淮南與徐北坦由胼胝
任勞而舊績與新功並懋浙江布政司督糧右

叅政顧問運籌雅有成筭擘畫悉中機宜部押
兩載而咸居諸省之先聯絡千艘而未有片帆
之滯江西布政司督糧左叅政韓紹敏練夙長
心計精勤克濟時艱斟酌於兌運之後先而軍
民胥賴調停於災傷之改折而遐邇均霑湖廣
布政司督糧右叅政馬允登揮霍自長材大器
措注皆石畫遠猷憫災民之凋疲而催科兼寓
撫字絕武弁之偷惰而操縱無爽勸懲整飭蘇
松兵備湖廣按察司副使李涑立朝峻節嶙嶙

秉憲偉謨灼灼遵

明旨而躬親督押百萬石自速灌輸值久旱而殫力
疏淪五千舸藉以飛度以上六員皆有督屬徵
輸部押之勞績效俱優所當薦揚者也整飭徽
寧兵備江西按察司副使袁國臣政知體要而
確有定衡材裕衝繁而無難遊刃千里之江波
無警六郡之漕賦如期此一臣者適因安慶用
兵奏

允暫留未至而轄屬漕糧催運如期例當併薦者也

常州府通判熊煨松江府通判郭承緒鳳陽府
通判何邦漸揚州府通判閻汝坤池州府通判
王用賢浙江嚴州府通判熊涵江西瑞州府通
判薛溢南康府通判孫一宏湖廣漢陽府通判
夏廷彥岳州府通判王子直以上十員分猷共
念涉風濤之險而不憚奔馳畫地押幫督漕輓
之行而無或怠逸均之效勞漕事所當附薦者
也委驗全單揚州府推官李春開權度能審於
酌盈濟虛威信可伸於獎勤警惰雅擅精明之

總理河漕奏疏 卷二 七
四任
譽足占遠大之猷此一臣者材品本殊勤劬獨
至所當優薦以需華選者也伏乞

勅下戶部再加查議覆

請將陳文燧等咨送吏部紀錄以備陞擢庶賢勞有
所勸勵而漕規益見振飭矣謹題請

旨

題覆改閘疏

爲目擊時事敷陳愚悃以裨治安事據管理閘
座工部署員外郎事主事黃曰謹徐州兵備兼
管河道按察使陳瑛海防兵備帶管南河工部
分司副使周夢暘會呈蒙臣案驗仰各司道速
查清江裏河通濟閘今自開春啓閘之後是否
波濤內訌不能閉閘迴瀾水勢較比往年有無
湍激卽今應否改移閘口于稍南要見何項地
名有何便利可避河流之衝此外有無別所另

尋一路堪以濟運清江浦口應否填築以收永利務要躬親相度會議妥當呈詳覆議具

題蒙此行據淮安府呈稱督同管河同知等官姜桂芳等查勘得通濟閘建立甘羅城堅實之地兩崖頗高捧挽甚便水勢北趨河流平緩運艘往來頗稱利便所據閘壩不必改移宜從舊貫等因據此該職等親詣前項地方督率多官覆加查勘謹按舟從今通濟閘出口者以此口專向淮河獨受清水惟伏秋大漲黃流未免倒灌

故於入伏之時閘外捲築輒壩無非爲避黃計也至九月水落仍復開壩由閘蓋自九月以後至五月以前通濟之水有清無濁三閘遞相啓閉其法甚便故先年改天妃閘而爲通濟閘以天妃閘當黃而通濟閘近清也見今糧運通行水皆清平如舊旋啓旋閉頗爲不難况昔黃流只有一道今分流草灣一百五十餘丈已減全河大半若欲改閘而南必從淮城以下出口張口受黃日有沙壅是平江伯建閘以避濁今返

背清而就濁矣全河大勢已奔草灣而清浦西橋一帶漸淤復從淤處建閘是又舍通而就塞矣且板閘鈔關與船廠倉庾戶工各部三分司皆在清江沿河地方以便督造抽分二百餘年於茲矣今若改閘而南則清江板閘一帶必至乾斷三分司與諸閘廠俱當改建爲費不貲三閘延袤六十餘里人煙輳集仰商賈挑盤之利者萬有餘家若閘改而南必奪生理移署遷民事在得已况糧艘經由清浦如履盤盂之內甚

爲平穩處從淮南出口是舍清夷之渠而多受黃河六十餘里捧挽之苦仍恐運軍亦難之耳再詢淮中士夫皆稱淮城風水前有清淮後有黃河環流廻抱有如襟帶乃縉紳生靈之血脈也今從淮南建閘將使淮地中斷而自絕其襟帶矣談者多稱不利難以拂衆強圖及勘通濟閘迤南一帶別無可通舟楫之所職等反覆思惟誠不如仍舊爲便呈乞本院定議題

請等因又據清江管閘分司呈稱蒙臣憲牌仰司卽

總理河道奏疏 卷一 四任
查通濟閘入春以來有無黃流內入波濤湍激
是否不能閉閘迴瀾各閘啓放之後因何不行
下板備將致害緣由從實呈報依蒙查得清口
乃糧運咽喉所係自有通濟等閘啓閉以來順
時節宣河無漲溢成效如覩去冬遵守新立傳
籌規矩啓一閉二遵行無失入春黃水未發糧
運出口絡繹無停三閘俱開晝夜催僨時難暫
閉外水雖入悉皆清流平緩若糧船出盡卽遵
前法啓閉況今清江外隄修築完固附隄淤土

一望數十餘丈決無他患緣由各呈報到臣據
此案照萬曆十七年三月初九日准工部咨該
南京戶科給事中徐常吉題款開四曰淮揚水
患清江浦口運艘所經而頻年以來黃河內衝
出入爲梗安東之流日緩而浦口之入漸多今
自開春之後運船出口千檣並集舳艫相銜未
免啓閘以納水而波濤內訌不能閉閘以迴瀾
水勢亟矣乞

勅該部轉行總理河道衙門多方籌畫或移閘於稍

南以避清河之衝或通漕舟於別所以爲萬世之利其清江浦口則令築壩堵截不許復開如此則庶幾民生可保不然開口受沃而束手待盡臣恐湍激之黃流將直穿乎高寶而百萬之蒼生且胥而爲魚鱉此淮揚水患臣之所可憂也等因題奉

聖旨該部知道欽此欽遵備咨行臣卽查前項閘口應否可移於稍南漕舟有無可通於別道其清江浦口應否築堵不許復開凡奏內事情一一

從長計議妥當具

題前來以憑覆

請施行准此先該臣接到卽報隨卽督同南河郎中羅用敬淮安府署印同知趙垆山陽縣知縣張光緒等親詣淮城以南東壩地方及通濟閘以下清江浦等處逐一踏看猶恐未確又經案行各司道查勘去後今據前因該臣查得

國初踵習元人故事以海爲運永樂年間平江伯陳瑄剏鑿浦江浦一帶以通淮黃兩河始以河

爲運矣然清浦原無來流全借河流內灌方可
浮舟而黃流甚濁恐至淤墊故復設天妃等五
閘遞互啓閉以便節宣時將入伏閘外卽築輓
壩一應船隻俱於五壩車盤良法美意二百餘
年利賴之矣後因天妃閘全納濁流故復改於
三里溝尋復改於甘羅城卽今之通濟閘是也
此處爲南河口乃淮水獨經之地離黃向淮用
清避濁漕渠無淤墊之患舟航有利涉之休人
甚便之惟於五六月間黃水盛發不免逆上與

淮並入而時將入伏築壩斷流九月開壩則黃
水業已退矣今給事中徐常吉題

請移閘稍南通漕別所極爲訐謨長慮如果徒避有
地真爲萬世之利但細查淮郡之外別無支流
可引欲通漕舟不得不資兩河欲資兩河必難
免其內灌然分流不及十分之一而滔滔北去
由安東入海者固如故也若移閘愈南則納濁
愈甚司道諸臣所云背清就濁舍通就塞而運
艘多涉險阻六十餘里皆所不免矣至如改建

衙門遷移廠閘費雖不貲無足論也臣又查得
初春水落正當平緩之時止因運艘晝夜放行
諸閘不便下板傳者遂謂不能啓閉今運艘如
期出口各閘啓閉如故委與該司查勘相同臣
不敢蔽伏望

勅下該部再加查訪擬議上

請或行撫按及巡鹽巡漕衙門覆加勘議務求久安
長治之策以爲河漕永賴之計地方幸甚臣愚
幸甚謹題請 旨

敘功疏

爲河工告成謹遵

明旨分別敘報效勞官員以勵人心以裨河漕事據
南直隸山東管河司道等官郎中沈修等呈將
督完工程并分委官員賢否各開報到臣除將
完過工程另本具

題外案照先准工部咨該查勘河工都給事中常
居敬題爲欽奉

勅諭分別效勞官員以勵臣工以重河漕事本部覆

議看得

國家漕運悉資河道則事之艱鉅莫有甚于治河者頃年以來徐邳而南大浸稽天而范口遂致衝潰茶城以北水不盈尺而古洪遂致淤阻

國計民生于茲重困幸蒙

皇上加意漕河

簡命科臣查勘督理乃議塞決口築清江浦等隄以治黃河建閘座復安山等湖以治閘河卽今各工次第興舉其見在管理諸臣旣經科臣分別

具題前來相應據議酌

請爲照部臣之專理河務若郎中羅用敬吳之龍沈修主事蕭雍楊信同心戮力憂

國奉公或閱歷久而剴裁夙著弘功或蒞任新而規爲遂徵遠略藩臬之專理河務若徐州兵備兼管河僉事陳文燧淮揚海防兵備副使胥遇潁州道兵備副使楊芳山東濟寧管河道按察使曹子朝分守濟南道叅政呂坤曹濮兵備帶管東兗道僉事劉弘道武德兵備帶管臨清道

僉事李三才或視河如視掌而經綸動合機宜
或治水如治焚而康濟足垂永賴藩臬之與議
河工若山東布政司左布政使徐元氣右布政
使賈仁元按察司按察使王應乾或給饋餉而
萬姓歸心思深利溥或嚴糾繩而羣工效力弊
絕風清有司之專理河務若淮安府知府張允
濟揚州府知府王雲鷺濟南府知府李學詩充
州府知府熊汝器兗州府管運河同知陳昌言
淮安府下管河同知姜桂芳上管河同知徐伸

淮安府推官余繼善揚州府推官李春開兗州
府推官楊初東高郵州知州楊汝濼徐州知州
唐民敏曹州知州高世芳東平州知州徐銘德
州知州趙可學臨清州知州李鳴世泰安州知
州劉從仁山陽縣知縣張光緒桃源縣知縣華
存禮儀真縣知縣趙夢麟江都縣知縣劉道隆
鹽城縣知縣曹大成豐縣知縣費思箴寶應縣
知縣耿隨龍沛縣知縣符璽宿遷縣知縣莫應
奎金鄉縣知縣李以唐滋陽縣知縣冀體夏津

縣知縣包萬象恩縣知縣吳永裕聊城縣知縣
韓子廉滕縣知縣馬之麟鉅野縣知縣殷汝孝
鄒縣知縣王自謹或才當一面懷已饑已溺之
憂或身率萬夫懋汝翼汝爲之績佐幕之有功
河道若曹州管河判官楊應芳淮安衛經歷黃
居德或櫛風沐雨而重役永肩或胼手胝足而
隨試輒效以上諸臣通應紀錄內郎中羅用敬
范隄之包砌成功艱辛備至僉事陳文燧徐淮
之後先區畫勞績居多似宜陞俸以示優處查

得陳文燧新陞陝西叅議似應於今職上陞俸
者也經歷黃居德宜加州判職銜俾專理高寶
河務者也其巡撫舒應龍李戴精忠報

國偉略匡時指授隨刊千里仰平成之績運籌疏
鑿百年垂利賴之規首應優賚但在淮揚則經
理之議甫定在山東則濬築之役方興見今總
理大臣新到一切調用人夫叅酌河務事同一
體誼切同心似應候各工報完之日併議優處
者也鳳陽巡按御史劉懷恕山東巡按御史吳

龍徵兩淮巡鹽御史陳禹謨巡漕御史喬璧星均之參與大計悉竭嘉謀但按臣例不敘功而各工尚未就緒非臣等所敢輕議者也均乞

聖明裁定

勅下臣等備咨吏部將郎中羅用敬吳之龍等通行紀錄內羅用敬陳文燧仍行陞俸經歷黃居德加陞州判職銜專管高寶河務仍咨總理河道鳳陽山東各巡撫衙門轉行管河司道各官查照本部節題事理將見在工程及河道應行未

盡事宜上緊督催完日將做過工程役過人夫用過錢糧等項覈實造冊

奏繳青冊送部備查其效勞各官除移咨吏部紀錄外候工完之日河道都御史仍將大小官員分別舉劾另行具

題以憑覆

請賞罰等因覆題節奉

聖旨是直隸山東等處工程通候完日河道衙門奏報并敘欵此備咨到臣續准工部咨該臣題爲檢

查節奉

欽依河工分派司道各官以便責成以圖早竣事本部覆議備行總理河道并鳳陽山東各巡撫衙門一體遵照施行及行管理河道泉源閘壩司道各官查照分地督率府州縣管工官員竭力修治本部仍咨行都察院轉行各該巡按巡鹽御史各照所轄地方不時稽察工程期于同心共濟定限十七年三月終通完其總河大臣仍親自查閱委果工程堅固足保無虞從實

奏報其效勞大小官員分別勤惰題請以俟賞罰等因覆奉

聖旨是河道工程着司道等官各照分定地方用心管理上緊完報不許踈玩欽此備咨到臣茲當各工告完臣宜欽遵

明旨甄別具陳除近故南河郎中羅用敬另疏

請卹及墮誤河工如泗州知州浦朝柱山陽縣主簿吳叔原各考察去任清河縣知縣鄒守約已經改教廬州衛鎮撫張朝貴大河衛千戶許園已

行戒飭侵剋料銀如大河衛千戶梁天胤郭相
仲德劉鳴世百戶林萬叢王允中見問另參外
伏念臣草莽之姿衰疲已極罪悔之後意氣頓
銷謬蒙

高厚之恩願效涓埃之報而才綿任鉅力短心長工
緒頗多難免顧此失彼之患道途甚遠不無瞻
前忽後之虞日抱怔怔莫知所措仰仗我

皇上誠敬格天

聰明益世

宵衣旰食孜孜乎已溺之懷三

令五申汲汲于河防之事偶因隄決上塵

宸衷特遣科臣遙將

異命廣詢羣議獨斷

聖心甄收已棄之臣責以將來之效爰復久裁之職
畀以總理之權用是耳目一新臣工競勸

恩威覃布民庶爭趨河工告成毫髮皆我

皇上神聖所致臣等祇切幸荷何敢貪功掠美哉但
勛勩之力不無仰藉於人而胼胝之勞實有不

容泯者臣謹遵

明旨據實爲我

皇上陳之如

內閣輔臣奉有近例臣不敢敘又如工部尚書石
星定公是于議論紛紜之日屹如泰山據訐謨
于河流泛濫之時明若觀火居中應外惟求上
當乎

帝心挈領提綱惟欲玉成乎

國是先今侍郎李輔曾同享魏時亮協贊

皇猷惟明惟允力扶正議一德一心而新任侍郎衷
貞吉地切鄰封誼均共事其所得於咨詢啓迪
之功者尤不淺也工科諸臣張養蒙等及先任
署工科事右給事中梅國樓等淵猷素定道謀
難以炫衷真見已融河工藉以成事都水司臣
龔錫爵等及先任該司郎中周夢暘坐籌不爽
乎錙銖雅抱寅工之志成筭適符其夷險常懷
全勝之圖河工之成實有賴于

內廷之臣者如此也原任漕撫侍郎楊一魁專心

體

國加意防河集衆議以遏狂瀾良工獨苦留漕糧以惠夫役枵腹頓充原任工科都給事中今陞太僕寺少卿常居敬智由天啓忠荷

主知水宿風殮督築于洪濤巨浪之中一身如棄衝寒觸暑諏諮于蒿萊泥淖之內萬苦備嘗當興而興當寢而寢區裁悉中乎機宜可築則築可疏則疏擬議允符乎著鑑先今直隸巡按御史劉懷恕李天麟王之棟巡鹽御史陳遇文陳禹

謨李光祖巡漕御史喬璧星陳惟芝山東巡按御史吳龍徵巡鹽御史劉應龍龔雲致庶務賴以折衷羣工藉之鼓舞總河之復固爲虔始之功工費之稽尤裨相成之益漕運總兵懷寧侯孫世忠淮黃之分合甚明良資聞見官夫之勸相甚篤每效勤劬河工之成實有賴于地方之臣者如此也但俱係大臣憲職恭候

聖裁臣又查得先准工部咨開山東布政司左布政使徐元氣右布政使賈仁元淮揚海防陞任副

使胥遇分守濟南道陞任叅政呂坤武德兵備
陞任僉事李三畏濟南府丁憂知府李學詩宛
州府陞任知府熊汝器推官楊初東曹州陞任
知州高世芳德州知州趙可學臨清州原任知
州李鳴世泰安州原任知州劉從仁金鄉縣知
縣李以唐鹽城縣知縣曹大咸桃源縣陞任知
縣華存禮儀真縣原任知縣趙夢麟滋陽縣原
任知縣冀體豐縣知縣費思箴沛縣知縣符璽
宿遷縣原任知縣莫應奎夏津縣知縣包萬象

恩縣知縣吳永裕滕縣知縣馬之麟鄒縣知縣
王自謹曹州判官楊應芳以上二十五員今雖
未分工程均之叅與河議先經科臣列薦似應
酌量賞賚仍咨吏部紀錄不敢槩敘外所有在
工大小官員相應覈實敘報以總管官言之如
中河郎中沈修虛襟雅能涵受實政不事脂韋
當蒞事之初而工作並興寢食每爲之廢值久
弛之後而遙縷俱築勞瘁實所難堪北河郎中
吳之龍亮節不事詭隨偉才綽能肩仔練習已

久而河情水性遠近周知制御有方而採石鳩工咄嗟自辦南旺主事蕭雍存心如青天白日用才若駕熟就輕卽始見終圖久遠於猝辦之餘而規爲皆有程式問源知委決疑難於片言之頃而裁度不爽分毫接管主事王元命論事則恂恂儼若儒生分猷則侃侃有同老吏壩工未竣往返不憚勤劬隄議方浚指畫悉中肯綮夏鎮主事楊信執直不事矯飾沉毅最有擔當清理湖租而歲有積輸足濟河工之費督同閘

四任

務而嚴爲查核具見蒞事之精接管主事余繼善明炳幾先而險夷不惑智周意外而艱大可投筮仕卽若素諳築濬之工兼巨細而畢舉修防不遺餘力伏秋之候竭心力以俱勞濟寧兵備按察使曹子朝純誠不爲尚口之窮縝密殊多幹濟之力外無拮据之狀而董率官夫每多鼓舞中絕矜誇之意而權衡工作自有劑調徐州兵備接管按察使陳瑛久切匪躬之念常攄酬

國之忠十載此河羣策畢舉而平成之績難泯一
官再調大勞未艾而胼胝之苦復殷分守東兗
道左叅政郝維喬吐茹不形此衷卓有定見區
裁曲中遇事輒有擔當必躬必親不待聲色而
小大競勸其難其慎一經相度而終始不移海
防兵備道副使周夢暘忠猷曠識邁出等夷偉
略雄才足當煩劇一身爲百責所萃而夙興夜
寐猶惓惓爲畚鍤之圖分工在履任之初而沐
雨櫛風每孜孜爲久遠之計潁州兵備道副使

楊芳心本忠純而敷施自別事雖糾結而應接
裕如當校屬懷私債事之餘而刻期告成勤勞
可掬值鄰壤山寇弄兵之日而分心督課艱悴
猶多徐州兵備管河僉事今陞漕儲道叅議陳
文燧諳才足濟艱難勤恪可當膠轕下車卽值
泛濫而人言沸起極費區裁陞任猶苦修防而
版築並興尤多勞勩分巡兗州道陞任僉事劉
弘道志識通明才猷練達事不執已而規畫已
定于受事之初智能用人而勞績難泯於就緒

之後接管僉事和震功令嚴明風猷峻潔稽查不遺于絲粟而錢糧無冒破之奸勘覈務極其精明而工作無虛飾之弊以上一十四員才識俱優心力俱瘁論功爲首超擢允宜所當優敘內蕭雍楊信雖係任滿劉弘道雖已陞任而始事資其定議勦築尤極艱辛陳文燧雖已陞任加俸而分工獨多報完最早屈抑旣久尤當超待且俱係都給事中常居敬特薦尚未處分者也陳瑛和震接管未爲甚深成終藉其督課而

陳瑛久歷河上茲復捨逸就勞同陞按察使者已多再轉本官所處旣難循資復後似宜加秩久任者也山東按察司先今按察使王應乾葉夢熊誠才兩合聲實俱隆稽查縝密而甄築賴以堅完駁覈精明而工費因之節省淮安府知府張允濟原任揚州府知府王雲鷺陞任鳳陽府知府曹時聘東昌府知府田一麟揚州府署印同知李有成張文運陞任鳳陽府署印同知孫健有守有爲克勤克慎出納惟時而工料得

以預辦贄襄不怠而興作得以早完揚州府推官李春開鳳陽府推官蓋國士廉平素著賢聲精確尤徵任事計工計費曾不爽乎鎔銖任怨任勞實有同於胼胝以上一十一員承委不同勤恪則一相應併敘內王應乾向以前任降俸情在可原似應准復張允濟守郡已幾七載賢勞爲最似應陞擢李春開蓋國士卓有風憲之望似應陞俸仍加賞賚以待行取者也以分管官言之淮安府同知徐伸姜桂芳兗州府同知

陳昌言羅大奎揚州府通判劉汝大兗州府通判王心東昌府通判田野臣東平州知州徐銘鉅野縣知縣殷汝孝聊城縣知縣韓子廉汶上縣知縣劉漢書盱眙縣知縣吳萬全以上一十二員心存河務志在急公當祁寒暑雨之際晝夜棲身於河澚險阻何辭值工繁期迫之時朝夕董役于風霾容顏俱瘁綜理密而縮費大哀原額調派均而撫綏尤所留心陞擢允宜所當首敘內徐伸雖經陞任仍應量加俸級者也兗

州府知府易登瀛同知王繼聖淮安府通判田
有年徐州知州唐民敏高郵州知州楊汝濂濟
寧州知州張崇雅寶應縣知縣耿隨龍江都縣
知縣劉道隆山陽縣知縣張光緒儀真縣知縣
趙廷杞嶧山縣知縣劉衍疇安縣陞任知縣馬
朝錫泗州守備丁汝謙以上一十三員分理各
效勤劬緩急皆能濟辦或經理度支於始或清
查錢糧於終均應併敘內田有年唐民敏楊汝
濂耿隨龍與有甃築之勞相應陞俸仍與易登

瀛等量加賞賚咨部紀錄者也以散委州縣佐
貳首領等官言之濟寧州同知程子洛高郵州
陞任判官王國器東平州判官汪鳳翔蔡忠淮
安衛經歷加銜判官黃居德濟寧州陞任判官
李文煨高郵衛經歷沈電鳳陽中衛經歷康緒
恩大河衛經歷章淮平山衛經歷高一道東昌
衛經歷趙諫儀真縣縣丞楊田寧陽縣縣丞黃
耀江都縣陞任主簿王球儀真縣主簿朱文中
汶上縣主簿鄭美靈壁縣主簿元仲賢聊城縣

主簿李知柔濟寧衛指揮文棟壽張縣梁山巡
檢張峨以上二十員殫力奉公小心盡役取土
則如壘巢之燕惜之不啻黃金運石則如負重
之蚤視之真同白璧止宿狂風烈日之內形神
俱敝于焦勞出入泥滓汗濁之中筋力已疲于
奔走均應首敘優擢允宜內王國器王球李文
煥已經陞任相應於今職上量加俸級黃居德
原係帶銜查有高郵州判官見缺似應其補任
鄭美考察閑任似應加銜致仕仍加賞賚者也

徐州判官鄭簡儀真衛經歷倪文相徐州左衛
經歷劉杞徐州衛經歷陸僑留守左衛經歷段
珍濟寧衛經歷高雲鸚山陽縣縣丞徐一龍清
河縣縣丞關大倫盱眙縣縣丞涂鎮陽穀縣縣
丞王彥勝縣縣丞包揚嶧縣縣丞施爲霖曲阜
縣縣丞邵賓寶應縣縣丞馮時昇江都縣主簿
陳喬艾盱眙縣主簿貢守愚揚州府檢校陸棟
龍濟寧州吏目孫若蘭通州所吏目周應場寶
應縣致仕吏目陳憲揚州府陞任檢校鄔汝堂

寶應縣典史沈維忠山陽縣典史陳一元宿遷
縣典史湯元亮沐陽縣陞任典史徐可立清河
縣典史陳大作嘉祥縣典史陳宗賢泗水縣典
史蔡茂聊城縣典史蔡洲鉅野縣典史蕭歆濟
寧衛指揮張鵬翼大河衛鎮撫張兆元徐州衛
鎮撫薛守田泗州衛千戶朱應光濟寧衛千戶
陳定國邵伯候缺巡檢陳曰賢名色把總呂文
光以上三十七員協力驅馳不必晴潦悉心催
督無間晨昏分雖微而守法則均人雖異而勤

渠則一相應併敘咨部紀錄仍量加賞賚者也
以部夫雜職哨官省祭義官言之如戴家閘閘
官李芳永通閘閘官白添岐通濟閘閘官鄭守
仁肥城縣管泉倉官侯宗禮魯橋候缺巡檢韓
萍清江閘閘官陳文奎大營哨官徐元劉鳳李
大京王明山陽縣省祭張勳吳守志汶上縣省
祭胡東生胡文運睢寧縣部劄冠帶義官胡巡
徐州義官段守金夏鎮義官李永昌清河縣義
官陳文炳以上一十八員分雖卑而識見頗出

儔衆力旣竭而始終克效勤勞均應優敘內雜職省祭咨部紀錄量爲優處胡巡段守金李永昌張文炳劄行該州縣免其雜泛差徭仍與哨官各厚加賞賚者也其餘員役名數煩多不敢瀆敘容臣轉行各該司道動支河工餘銀酌量賞犒以償其勞臣又查得京撥當該吏許立正寫本吏馬良服勤公事備極艱辛河務糾紛則寒暑隨巡奔馳不息文移冗迫則晝夜書寫幹辦不休以上二役似應待滿赴部免其考試准

以本等資格選用者也再照分理固須得人而撫臣關係尤重苟非心膂相協未免牴牾難成漕撫侍郎舒應龍赤心報

主鴻略匡時視

國如家故政每先於

國計愛民猶已故志恒切于民生鳩工庀財惟河工之所急而爲之圖真得同舟共濟之義周諮荒度惟河情之所宜而爲之策絕無炫能矜智之私山東巡撫右副都御史李戴一忠惟知愛

國百慮只在憂民議未定而巡行千里之間集思
廣益工既興而期保萬全之業左挈右提留

覲吏以便責成已見協恭之義聽事權以便展布實
有和衷之休此二臣者勞在率先功當首敘允
宜特被

殊恩者也臣復念之防河如防虜防虜者不可以既
去而廢捍衛之方防河者不可以既安而廢修
防之法故每歲皆有秋防報竣之疏所以肅成
規而警人心者至矣近因河患頗寧歲修遂弛

東衝西決異議煩興若非我

皇上赫然震怒

特遣近臣人心未免玩愒而承委者不得其人其害
尤大少有因循則必至於僨事略加穿鑿則必
至於病河皆非所以仰成

德意而砥定

國是也都給事中常居敬虚心博訪殫力推求功
惟求成言可底績卽今三省寧謐兩河安流皆
我

皇上委任得人之所致也本官雖經陞任或尚未盡
所酬矧於循資之擢僅速一年頃以
壽宮覃恩又因陞任次列似應再加陞擢以慰輿情
者也伏望我

皇上軫念河漕重務

特垂憫恤俯從科臣原奉

勅書比照閱邊事例

勅下該部覆議上請施行則羣工感奮而

國計有裨矣謹題請 旨

恩卹病故官員疏

爲乞

恩贈卹病故勤事司官以慰幽魂以勵人心事據中
河郎中沈修清江浦管閘員外郎黃曰謹徐州
兵河按察使陳瑛海防兵備副使周夢暘漕儲
道左叅議陳文燧會呈據高郵州申報南河工
部郎中羅用敬因積勞感患喉疾於三月初八
日身故乞念本司河工勞績最多艱辛倍至照

例

請卹等因據此職等查得南河分司工部郎中羅用
敬江西南昌縣人由進士初任烏程縣知縣行
取赴部陞刑部主事漕運理刑萬曆十三年八
月內督修寶應越河工完陞本部員外郎十四
年七月陞工部都水司郎中管理南河各工修
補過高堰石隄三千一百一十丈幫築土隄七
千七百九十二丈椿筴工一千五百四十四丈
挑濬堰內支河二千一百五十五丈塞築天妃
壩裏外共長五十丈清江浦草埽排椿四百八

丈草壩四座惠濟祠外河石隄五十四丈五尺
草壩一座裏河石隄四十四丈祠西包石四十
二丈禮字壩土隄三百四十九丈石隄一百六
十四丈范家口土隄四百五十丈副壩長二百
七十丈排椿長六百九十六丈石隄三百三十
丈草壩九座石磯嘴一座挑濬澗河四千九十
丈引水溝一百九十五丈柳浦灣張家窪等處
土隄椿筴共長一千一百九十八丈二尺并建
物料廠一所築過鹽壩迤南隄岸長六十一丈

挑濬淮揚運河北自清河口南至瓜儀共長四千四百一十三丈九尺築過裏河東西東水椿笆土隄共長三百二十丈修砌界首三里湖石隄長八百四十丈高郵州南北小湖口石隄共長三百九十丈寶應西土隄二十里俱經報完邵伯石隄二十里修砌將完正在報竣其各處歲修工程隨地幫築者不可勝記積勞之後致感喉疾身故爲照本官經濟練才膚敏素抱始以寶應功成薦擢水部因而南河受事值際河

艱荒度三年歷寒暑而曾無厭怠拮据萬狀雖纖細而必自身親淮揚修守若范壩若高堰頭緒奚啻千端土石隄防若

欽工若歲工延袤殆將百里工已報竣人卽云亡蓋平生精力殫於胼胝而一念艱貞比之金石宦囊淡薄衾斂無以爲資旅櫬淒涼道路爲之動惻所謂鞠躬盡瘁死而後已者於本官真無媿矣卽今日夕報功已在首敘之列豈可勤勞死事寂無優卹之酬及查萬曆九年中河郎中余

毅中在任病故該部院題奉

明旨加贈太常寺卿今郎中羅用敬工程勞績委與
余毅中事例相同合無請乞本院俯賜會題

特加贈典庶幽魂永慰於地下而人心激勵於將來
等因到臣該臣會同總督漕撫戶部右侍郎兼
都察院右僉都御史舒應龍照得原任工部都
水司南河郎中羅用敬秉心忠赤敷治精明出
宰菰城遺思尚在明刑淮甸平反有聲改任南
河之官正當弛防之日范家口之隄未固天妃

壩之決復仍東支西吾此顧彼失敷歷三年之
久曾無片刻之休延袤千里之間寧有不遍之
足舊工未艾新役復興濬淺培卑種種皆其料
理鳩工集事紛紛多所取裁朝于斯暮于斯飲
食起居于斯已絕生人之樂寒不息暑不息烈
風暴雨不息常懷殉

國之心以故河湖夾攻之地並無一隙之虞築濬
兼舉之秋能獲萬全之策形神俱敝智力兩窮
寸心如焚諸火並發積成喉病其及宜矣又聞

本官未死之二日猶扶疾遍歷諸工口不能言
惟以手指醫人立勸歸署就榻卽仆古人所謂
鞠躬盡瘁死而後已者非其人哉身死之後囊
無餘資臣等與地方諸寮曲爲捐助始就棺殮
又可知其生平矣與言及此不覺淚下身在固
當優敘歿後尤宜厚酬所據司道查有原任工
部郎中余毅中事例曲爲申懇似宜允從伏望
勅下該部再加查議如果臣等所言不謬具疏覆
請從厚優卹河臣幸甚臣等再照天下之事勞心以

治人者其力或可少憇勞力以治於人者其心
尚有餘閒維茲河工必須心力兩盡方克有濟
故雖以大禹之智猶不免于手足胼胝也十年
之內但經河工大舉必有殉身之臣兩淮運同
贈行太僕寺少卿黃清中河郎中余毅中山東
叅政馮敏功徐州道副使莫與齊河南僉事余
希周南河郎中羅用敬相繼客死工所臣等皆
所目擊而其他卑官散秩泯沒無聞者未可悉
數故近來大小諸臣視河官如桎梏偶得脫免

若釋重負如蒙

皇上俯賜矜憐曲爲優處卹旣死者于身後鼓見任者于生前亦礪世磨鈍之一機也臣等不勝惶悚懇祈之至緣係乞

恩贈卹病故勤事司官以慰幽魂以勵人心事理謹題請

旨

恭報黃水異常疏

爲黃河異常暴漲事本年六月初六日據中河郎中沈修揭報黃水自本月初一日連日大漲沿河各處縷隄間有止餘一二尺者已經嚴督管河官率夫晝夜防守等因又據徐州兵備管河按察使陳瑛揭報黃水陡長隄壩可虞萬一縷隄被漫尚有遙隄可恃其於河道無恙本院原設遙隄之意正以縷不足恃也但縷隄內百姓田廬萬一滄沒皆屬有司之責且民有身家

繫念各願爲守止是掌印官無能身先督率已
經嚴行州縣責成正官出守水濱逐村逐里撥
夫防護運土備埽倍加高厚以防不測水落卽
放事定分別勤惰擬請賞罰等因又據河南管
河道副使陳九仞并開封府知府王見賓揭報
五月二十七日大雨盆傾本夜黃水暴漲將劉
獸醫口埽壩漫過衝開月隄幸得新築遙隄前
水盡行阻住見今併力防禦可保無虞及稱儀
封縣二十九日水由李景高口漫出至葛田等

新築隄下離頂三板誠恐葛田等盜決果於五
鼓葛田月隄決開隨行同知吳克勤及該縣正
官上緊堵塞一面將葛田等并原管官員拘審
外大約今年水勢異常漲至八九尺或丈餘幸
督官夫俱保無虞等因又據山東兗州府管河
同知羅大奎揭報曹縣黃河自二十五日酉時
起至六月初三日卯時節次水漲共九尺又據
徐州管河判官鄭簡揭報鎮口閘外係清黃交
會處所五月初十日至十三日止黃水暴漲三

尺九寸隨即閉閘以遏內灌至十九日水退啓
開放過官民船隻出口去訖本日申時至二十
日早水復長四尺四寸隨即閉閘防守至二十
五日未時黃水漸消隨啓閘開放過上水

進鮮果船及漕運總兵等官船十一隻下水回空
馬船及各項官船共五十隻二十七日酉時放
過

進鮮魚船一十三隻并下水官船隨即閉閘本日
晚外水比內高二尺六寸二十八日至二十九

日黃水又長二尺閘石止露三層督夫防守間
卽今水又陡漲勢甚洶湧塔山迤北至牛角灣
一帶水與隄平卑職率夫晝夜堵築等因本月
初七日又據夏鎮主事余繼善揭稟初四日夜
黃水勢若滔天陡高隄面二尺衝入內河沿河
左右溺死居民數人房屋盡浸水中此異常之
變實本司不職之罪也但閘座隄壩並未衝壞
而滔天之勢有非人力所能禦者等因各揭報
到臣臣竊惟河流伏秋之漲勢所必然臣於去

冬卽諄諄以歲修之事行令司道及管河官預
爲料理入春又行令各將所轄隄壩分別夷險
派撥官夫畫地分守及將四防二守之法再三
申飭去後乃不意時未入伏而卽有異常之暴
漲也傳聞關陝入春以來雨水連綿河南久旱
之後大雨驟至上流旣漲下流必溢徐沛之水
有自來矣此實臣等奉職無狀

上天降罰之所致也除行中河郎中沈修南河郎中
黃日謹夏鎮主事余繼善徐州道管河按察使

陳瑛河南管河道副使陳九仞濟寧管河道副
使曹時聘等加謹隄防及嚴行各該州縣掌印
官親督防守如有不遵

嚴旨怠弛誤事者定行指名叅治候水落再行查勘
外爲此謹具題

知

伏為北鎮具題

邇者急旋時事者家行計計各崇谷類水容再行查備
官詳督切守咬亦不費

上封曹報甄善收藪則司又邇行各籍州縣軍甲
刺與既南管既散隔於刺大以齊寧營既散隔

查議裏河車壩疏

為查議裏河車壩事據南河郎中黃曰謹徐州
道按察使陳瑛會呈蒙臣憲牌據司道議於清
口之內文華寺西創建車盤壩一座又於壩邊
開鑿引水小閘已經批允興工但恐黃漲沙淤
又不免於挑濬不無可慮備仰職等踏勘通濟
閘外附近地方何處便宜堪以增建及將裏河
濬淺事宜速詳興舉等因蒙此隨該職等議照
清江裏河係永樂年間陳平江剏開原無水源

惟藉淮黃內灌通漕濟運慮積沙之淤墊也故
立有每歲挑濬之規慮黃漲之內灌也故議有
伏前築壩車壩之例節經本院題奉

明旨申飭至再向在遵行祇因今歲黃河大勢直趨
嘉靖年間所衝草灣故河清江浦柳浦灣一帶
淤成沙灘離水甚遠方信二壩阻隔不通隨挑
隨淤徒費工力萬不得已通濟閘外姑緩築壩
時稽月餘黃水早發納濁愈盛沙停愈多是以
裏漕不免淤淺今已合壩斷流調夫挑濬一月

可竣稍待秋深開壩放水衝刷河渠自深不足
爲慮目前喫緊惟有車盤一節尚在難處今欲
復通方信二壩必須堵築草灣河口挽水復歸
西橋大河但淮安一郡之民方恃隄外淤灘以
爲安固乃復舍安就危民情必有不堪欲便行
旅而遺害民生似非良策且草灣河勢洶湧工
費浩繁爲今之計惟有別立車盤爲急查得文
華寺前一段內爲裏河外近武家墩司道再三
踏勘莫若此處爲便已經設立車盤一座復就

壩邊穿引水小閘一座二十六日引淮灌之一
夜之間清江浦迤上船隻俱可開行計兩日間
西門黃浦一帶舟楫俱可無阻若更於文華寺
對過新莊閘上下再設一壩亦無不可但其地
近黃河上年曾有衝齧之患舍此而下逼河愈
近竊恐壩成之後復如方信之淤未可必也職
等熟計似不如只用文華寺壩爲便等因呈詳
到臣案照已行查議去後今據前因該臣查得
永樂年間先臣平江伯陳瑄開清江浦之渠

借河通運慮濁河內灌易淤故入伏卽於閘外
捲築輓壩官民船隻悉由五壩車盤又慮河身
沙墊又於每歲築壩之後調夫挑濬其法可爲
盡善矣臣於萬曆柒年題奉

明旨申飭遵行在卷不意萬曆十六年全河之勢七
趨草灣而西橋正河自清江浦以下淤灘頗高
淮民向慮清江浦一線之隄危如累卵今可安
枕無虞矣但方信諸壩離河頗遠不便車盤隨
該臣行據司道等官議於文華寺西建車盤一

總理河漕奏疏 卷二 四任
座復於近壩處所建引水閘一座目前頗得其
濟但本壩建在清口之內黃漲內灌沙淺難保
必無故復行司道查議增建而司道之意以增
建未有便宜之地欲復舊壩必須築塞草灣挽
水復歸正河而以商旅之故復貽淮民之憂又
有大不可者又查嘉靖年間黃水衝開草灣正
河堙塞奉

旨堵築所費不貲竟無成功偶爾復塞正河遂通今
日之事正與此同豈可復蹈前轍再照入伏築

壩九月開放阻隔僅逾三月且此時糧運

鮮貢俱已畢渡士夫商賈之船卽於壩外搬剥貨
物易舟而行亦無大礙且淮水盛行之時又有
周家橋一路可以直達高寶誠不若止用新建
文華寺壩車盤之爲得也其裏河淺涸一節已
據該司道揭報六月二十六日從新建小閘引
淮內灌見可通舟調夫加挑一月可竣不足慮
也謹具題

知

臣等謹將各下以直隸省河工事宜
 酌量其而行亦無大礙且薪水盈餘之類又亦
 無實身已畢熟士夫商賈之儲蓄亦漸次辦
 辦亦且開效即副對愈三日且此報辦數

河工告竣疏

為檢查節奉

欽依河工分派司道各官以便責成以圖早竣事據
 揚州府推官李春開鳳陽府推官蓋國士會呈
 查盤過南直隸及據山東按察司按察使葉夢
 熊呈將查盤過該省各該司道分督做過工程
 役過人夫用過錢糧數目通弔各官收放銀兩
 支銷物料卷簿覈實委無別弊造冊到臣據此
 案照萬曆十六年閏六月二十九日准工部咨

該查勘河工都給事中常居敬題爲欽奉

勅諭分別效勞官員以勵臣工以重河漕事本部覆
議內開案查萬曆十五年十一月內該鳳陽巡
撫都御史楊一魁題修范家口等處隄岸萬曆
十六年四月內該查勘河工都給事中常居敬
會同總督漕撫侍郎舒應龍題議古洪以外添
建鎮口閘并修塔山縷隄本年四月內該都給
事中常居敬會同山東撫按題築南旺等湖子
隄修復邢通等斗門坎河口等滾水石壩建通

濟等閘本年六月內該都給事中常居敬會題
安山湖低窪處所封爲水櫃及八里灣似蛇溝
建閘等因俱經覆奉

欽依通行欽遵訖今科臣常居敬比照閱邊事例將
各管理諸臣分別勤惰題

請但在淮揚則經理之議甫定在山東則濬築之役
方興見經總理大臣新到一切調用人夫參酌
河務似應候各工通完之日併議優處仍咨總
理河道鳳陽山東各巡撫衙門轉行管河司道

各官查照本部節題事理將見在工程及河道
應行未盡事宜上緊督催完日將做過工程役
過人夫用過錢糧等項覈實造冊

奏繳青冊送部備查候工完之日河道都御史仍
將大小官員分別舉劾另行具

題以憑覆

請賞罰施行等因具題節奉

聖旨是直隸山東等處工程通候完日河道衙門奏
報併敘欽此備咨到臣本年八月初五日又准工

部咨爲前事該臣題議寶應土隄邵伯石隄等

工分屬南河郎中羅用敬海防道副使周夢賜

其山東五湖并各閘壩斗門各工分委司道等

官郎中吳之龍等各督理等因該部覆議備行

總理河道并鳳陽山東各巡撫衙門一體查照

施行仍行管理河道泉源閘壩司道各官各照

分地督率府州縣官員竭力修治本部仍咨都

察院轉行各該巡按巡鹽御史各照所轄地方

不時稽察工程期于同心共濟定限十七年三

月終通完其總河大臣仍親自查閱委果工程
堅固足保無虞從實

奏報工完之日將做過工程錢糧夫役等項造冊
奏繳青冊送部備查其效勞大小官員分別勤惰
題

請以俟賞罰等因覆奉

聖旨是河道工程着司道等官各照分定地方用心
管理上緊完報不許踈玩欽此備咨前來本年十
月內又准工部咨爲申明修守事宜以圖永賴

事該臣條議清口王家口盜決淮流勢分應接
築長隄以防淤淺等因又該臣題爲修復湖隄
以便蓄水濟運事查得南旺等湖水勢瀰漫原
議修築子隄長隄俱在湖心難以施工合將舊
隄培築高厚圍湖更廣蓄水更多等因俱經該
部覆奉

欽依咨臣通行欽遵督催各工俱完已將完過工程
日期并敘效勞人員各另備疏於本年五月二
十四日具

題訖所有用過錢糧行據司道冊報前來惟恐不
的又經行委揚州府推官李春開鳳陽府推官
蓋國士會查南直隸及行山東按察司按察使
葉夢熊查覈該省各工錢糧有無虛冒情弊冊
報去後今據前因該臣覆覈相同爲照往年河
工大興工費錢糧每出原估之外今次所用之
數與所估之額大爲哀省者蓋因各司道官仰
體我

皇上節省之意遺椿剩石皆爲括取竹頭木屑咸入
正供卽如邵伯一工挖出舊石四千九百二十
三丈有餘舊椿三萬三千三百七十九根而山
東之夫以徭代募受產佃戶協力相幫其所省
尤不貲也今計直隸各工實用銀九萬五千有
奇山東各工僅用銀一萬七千八百餘兩較之
原額節縮頗多旣經委官查理明白擬合
奏報爲此除餘剩銀兩還庫作正器具物料收廠
聽用外今將造完做過工程役過人夫用過錢
糧各總撤數目文理合具本

進繳謹具奏

聞

計繳文册一本

次不費也今旨直隸各正實用驗共萬五千有
東之夫以對外募資新到三萬六千餘其新管
三丈有餘舊者二萬二千二百七十六餘而止
五共計收銀四萬一千六百二十

豪強違禁啓閘疏

爲豪強故違

明禁逞克啓閘乞

恩究治以利漕渠事據山東管河兼濟寧兵備道副
使曹時聘呈爲部運官員輕蔑漕規擅打閘牌
強啓偏漕洩水淺阻白糧事據濟寧州申稱行
拘趙村閘閘牌徐汝珮在城閘閘牌王用到官
審稱本年七月二十二日有南來民字號座船
一隻上裝嘉興府部運通判劉應台到於趙村

開喊叫啓板汝珮回稱上河在城開有白糧船甚多不敢擅啓劉應台不由分說喝令船戶胡成李孝曹傳并阜隸齊升將汝珮亂行採打本船人役自啓開板用強打上走洩水利以致在城開淺閣白糧船隻稽遲難進等情申報到道據此案照先蒙本院批據管理泉開工部都水司主事王元命呈前事蒙批開禁自有

明例開牌各有所司一府官豈宜縱役毆打擅行啓開仰濟寧兵河道究報干礙職官一併叅呈繳

蒙此備行兗州府提問究解隨據該府回稱查得船戶胡成等係隔省人民赴京去訖難以提問等因呈報到道看得船戶胡成等勢難提獲而毆打開牌情節未委虛的又行濟寧州嚴加查審據實申報去後今據前因爲照漕河之水全賴各開節宣以資運艘故先年定立開規以時啓閉題奉

明例申嚴開禁在在榜示一切官民永爲遵守今部運通判劉應台不候啓放縱令船戶阜隸人等

歐打閘牌用強啓閘挽船上行以致走洩水利
將閘內糧船淺閣若非管閘分司急令各閘下
板開放湖水接濟平湖等四十八艘白糧必致
傷損其所關豈眇小哉本官雖已赴京但故違
前例合當叅究叅照嘉興府部運通判劉應台
性氣粗暴舉動乖張押運淹留竟脫幫而後至
抵閘躁急擅啓板以前行不思啓閉有時却乃
遲速任意閘牌被其歐打羣小肆虎狼之威糧
艘幾致損傷本屬若秦越之視弁髦

明例干法紀而罔聞紊亂閘規誤

國計而不恤所當重懲以爲妄動不職之戒其船
戶胡成李孝曹傳阜隸齊升暴橫生事俱應提
問正法如此庶豪強知警而漕規不廢等因又
據該道呈爲勢要凌虐閘牌紊亂漕規事問過
犯人朱景勝招由內開一名朱景勝年三十八
歲係浙江民字號座船船頭狀招萬曆十七年
八月內景勝駕船在於張家灣攬裝進

表回還福建都司都指揮邢坦回任彼時山東各

開奉例挑河每年以十月十五日打壩截流又因回空糧船尚未過盡該管北河工部分司巡歷各閘責令嚴拿閘板接濟回空糧船速進本年九月二十四日景勝船至汶上縣開河閘下都司邢坦就令啓板在官閘牌郝應時卽向稟白前情本官嗔怒不合不容分訴喝令景勝亦不合率領隨船人衆將郝應時採住持拏劈柴亂打復稟本官將伊拶住鎖弔本船桅上忍受不過隨稟本司救脫本閘不甘將情具申到司

爲照漕河節有

禁例上啓下閉俱有成規在在榜示甚明邢坦不遵漕規縱容多人凌虐閘牌狂暴法一至於此若不究警是坐視漕務廢弛後將靡所底止矣備由呈蒙本院詳批豪強肆暴閘禁又弛仰濟寧管河道嚴查叅奪繳依蒙牌行兗州府管河同知陳昌言查照抄呈嚴審明白叅呈前來以憑覆叅轉呈本官依蒙將景勝等行提到官嚴審前情明白除都司邢坦聽叅外將景勝問擬

不應事重減等杖罪招呈本道覆詳無異先行
發落訖參照福建都司都指揮邢坦武弁庸流
衣冠蠢質恃勢逼啓偏漕逞兇擅刑闡役故違
明例紊亂漕規狂肆異常法當參究等因各呈到臣
據此案照先據北河郎中吳之龍管闡王事王
元命各呈稱嘉興府部運通判劉應台福建都
司都指揮邢坦用強啓板毆打闡牌情由俱經
批行濟寧兵河道嚴究查參去後今據前因竊
惟闡座之設專爲

貢艘糧運節宣水澤俾利涉也故每日啓放一次
先儘

貢運船隻入闡官座民舟次第銜尾而進如無
鮮貢船隻官民船亦准啓放此謂之正漕也若隨
到隨啓漫無紀律則謂之偏漕矣走洩水利淺
閣船隻其患有不可勝言者近來人心玩愒惟
便已私船到卽令啓板稍遲輒行鞭撻夫闡官
雖卑夫牌至賤然惟本管司道得以制之若人
人皆可鞭撻是人人皆爲專司此亂道矣臣查

得弘治十五年六月內該右通政韓鼎題爲申明漕河禁例等事內開凡閘惟

進貢鮮品船隻到卽開放其餘船隻務要等待積水而行若積水未滿或積水雖滿而船未過閘或下閘未閉並不得擅開若豪強之人逼脅擅開走泄水利及閘已開不依幫次爭先鬪毆者聽所在閘官將應問之人拏送管閘并巡河官處究問因而閣壞船隻損失

進貢官物及漂流係官糧米若傷人者各依律例

從重問治干礙豪勢官員叅奏以

聞覆奉

欽依遵行在卷又於萬曆十五年十二月內該工部題爲欽奉

聖諭事內開漕河閘禁近日益弛豪官勢要上下橫行啓閉稍遲閘官閘吏卽且捶詈而捽辱之洩而不蓄水安得而不涸也相應備行兼管河道各巡撫衙門轉行司道各官卽將閘河禁例奉有

累朝明旨大書榜文置之要地一應官民船隻務待積水而行有敢違抗爭先者毋問官豪勢要徑呈本部以憑叅奏處治等因奉

聖旨這河道事宜依擬便行與各該巡撫等官從長計議着實修舉欽此欽遵為照漕河

明禁甚嚴板榜具在而劉應台以佐郡庸流邢坦以操戈武弁乃敢故違

明禁恃其強梁哉叅照嘉興府部運通判劉應台福建都司都指揮邢坦偶承差委輒自張皇以狼

僕為爪牙全無忌憚視官牌同螻蟻遂逞憑凌明例昭如日星曾弁髦之不若官司各有轄束豈贅旒之不如二臣均有違

制之罪而劉應台需索例銀荼毒糧解貪聲怨氣道路流傳尤當重究者也伏望

勅下該部再加查議如果臣言不謬將二臣分行浙江福建巡按衙門提問具

奏其劉應台所用船戶胡成李孝曹傳阜隸齊升一併究治庶人心知警言而漕規可肅矣再照白

糧盡過天井閘之日總河衙門例該具本題

知止因部運官員向不具文告投以致漫無稽考仍

乞

勅下該部通行浙江蘇松等處道府衙門行令各部
運官起給批文船呈濟寧赴總理衙門投遞庶
幾數目可知完欠易考遲速可查催儻自便必
不至秦越相視而違

禁啓開擅啟官牌之事亦免矣謹題請

旨

題請疏治漕河疏

爲先期疏治漕河事卷查本年七月十八日據
整飭蘇松常鎮兵備副使李淶呈稱案奉河漕
二院憲牌俱行本道查勘各屬運河并閘座等
項已經備行蘇松常鎮四府勘明除另行具由
呈覆外惟照吳會地方自京口以至浙省交界
去處一帶河道卽運河也吳中雅稱澤國以故
先年經略江南者止以丹陽丹徒二處爲急蓋
二處地勢高亢亦多沙土常患淺滯若武進而

南則在在宏淵巨浸聯絡其旁古人穿鑿不苟
河身甚深自未聞以通運之故疏濬其地者邇
來歷年既久不無稍稍淺澁然惟坐澤國故易
於逢源而河流自可不竭乃丹陽丹徒昨冬竟
以乾旱大有可虞本道業經請詳挑濬於是淤
泥既滌海潮可通水勢充盈飛輓無阻而常州
郡城以南暨於吳江則今歲夏初已稱淺涸迨
於盛夏則在在漸聞乾塞矣蓋震澤自古以巨
浸聞乃今兩歲恒陽不雨於是太湖之水不盈

尺餘居民入城市者皆褰衣而涉不可方舟沮
洳之底變而龜裂民間私井在處揚塵前項運
河悉已露出泥底往來者止操小艇若大舟則
閣而不行矣運道若此寧不寒心查得萬曆二
年間蒙總督河道侍郎萬恭題將各府減免過
江脚米七升內留一升折銀以充濬河支用蘇
州府歲該銀二千八百九十五兩八錢九分二
釐松江府歲該銀一千二十一兩一錢常州府
歲該銀一千一百七十三兩六錢七分八釐鎮

江府歲該銀六百八十四兩八分七釐杭嘉湖
三府歲該銀二千二百二十五兩二錢四分三
釐浙直七府通共該銀八千兩專聽修濬運河
其時以鎮江地勢高仰常州次之故挑濬之工
鎮江爲繁而常州亦次之若蘇松因在下流故
所派修河米銀每年蘇州者解鎮江松江者解
常州以便支用遂致蘇松之民咸以已之賦額
極重正供且自難完況本境豈無運河此之不
修何暇及人以是雖有坐派並無徵解而浙中

三府亦俱歷年拖欠不完萬曆十五年間蘇松
糧里復患苦之欲乞裁減各項雜派錢糧而修
河米銀亦在其中具呈撫按兩院行府查明該
本道議將蘇松二府修河米銀暫行停免少甦
民力仍候大挑之年酌量派徵其餘五府照舊
徵用呈蒙各院詳允備行各府遵行訖惟是今
歲連遭旱災春夏已過秧苗未蒔小民皇皇莫
必其命此而議派斷不忍言卽言之亦何濟于
事也查得武進近城運河舊年已經濬過亦俱

深通止有橫林以南與無錫所屬新安潘封五
牧及大橋熙春跨塘橋等處總計九十餘里水
止二尺有餘至於洛社地方水不盈尺橋下底
石已現若再旬日不雨勢必斷流其吳江縣自
柳胥舖至石椿頭龍王廟至八斥鎮平望德安
橋至震澤鎮共計一百二十里崑山縣東門自
龍王廟至鹹井橋又西門至真義及真義至蘇
州娄門接待寺共計八十里蘇州娄門外永寧
橋至齊門西錢萬里橋共計二十里閶門渡僧

橋至楓橋計五里又胥門外大石灰橋起亦至
楓橋計二十里泔墅關南埠頭至北埠頭計四
里常熟縣自南水關至蘇州齊門計九十里嘉
定縣自西門至太倉鹽鐵口計三十六里太倉
自西馬頭至崑山清洋江口計三十里華亭縣
古浦塘三十里上海縣瓜涇塘二十八里青浦
縣大盈浦二十五里宜興縣自北門至常州普
濟橋計一百二十里江陰縣自南門至無錫高
橋計一百里金壇縣自珥村至丹陽七里橋計

五十五里此皆轉輸漕白二糧河道於中河身有闊狹淤塞有淺深然今水脉俱竭舟楫不通並無疏濬計其工費長洲縣該銀五千兩吳縣四千兩二縣應濬河道較各縣差少緣係市河積有瓦礫挑濬之工百倍其難吳江縣六千兩太倉嘉定各四千兩崑山常熟各五千兩華亭縣二千五百兩上海青浦各二千兩武進縣二千五百兩無錫宜興各五千兩江陰金壇各四千兩共銀六萬兩必藉此數方可有濟夫加派

既以凋劫難行而庫藏又以織造久空其常鎮二府修河銀兩亦多逋欠每遇修濬俱於糧里名下起夫扣羨前銀稍有完者亦俱逐年用去事勢至此萬分難支查得淮揚運河額自編有椿草河夫銀兩至於大修或如建設月河則多
奏

請鹽課銀或截留漕折銀米以備支用夫江之南淮之北其為運河一也矧太湖乾淺因議運河固一
百十年來所未有者疏濬以後人力可省亦可

保數十年無事者非如江北歲歲修築之不可
已也合無比照前例請乞本院軫念時艱俯賜
具

題量發部帑六萬金分貯各府官庫候八月終旬
照數分發各該州縣起夫興濬務要各該掌印
官鑿鑿包封公同各府管河官親詣工所逐名
唱給工完造冊繳報興工之後仍聽本道親歷
稽查其丹徒丹陽二處運河照舊三年一挑仍
以原派修河米銀支用脫有不敷量派蘇松協

濟此則疏濬不失其宜緩急咸有所濟不惟乾
涸之患立紓於目前而轉輸之利可永永垂之
百世矣等因呈詳到臣該臣看得

內帑空虛未便輕

請卷查萬曆十六年七月內該部發有江南水利銀
十萬兩或有餘剩隨經詳批各處淺阻委應亟
濬但

內帑缺乏

請之甚難且往返更須一二月此時又不知何如矣

查得萬曆十六年七月准部咨專為江南水利發銀十萬兩正宜於此支用本院曾移文該道查取支銷數目未報仰道備查開除見存實數報院即於見存數內動支可也速報去後延久未報近於十月二十六日據該道回稱為照各屬應濬運河本道先已勘明祇因疏治之費無從措處不得已議請部帑今欲以前發水利銀十萬兩數內存剩者支用但前發帑金原係水利道支銷本道非惟不敢動支亦且不敢啓口

冒任運河之責徒有犬馬之心倘支水利之銀必罹誅斥之咎在河院以為有文自可展布在本道實奉文愈益局促也已經具由呈蒙撫按衙門批允會

題擬合呈報等因到臣臣思挑河銀兩既經彼處撫按題

請應候

明旨處分無庸別議外為照江南運渠之淺若如今歲亢旱所在河底龜裂固不可視以為常而丹

徒丹陽武進一帶地形高亢水無來源冬春水
落潮微必至淤淺挑濬既不可免則工費必不
可缺第須預有儲積庶便臨期應辦先年總理
河道侍郎萬恭題將各府減免過江脚米七升
內留一升折銀以充濬河支用法最善也夫何
有司因循民情玩愒不思六升之蠲爲恩而惟
以一升之輸爲苦徵解者十不及一每遇挑濬
方行議處臨渴掘井緩不及事運艘艤延職此
之故今蘇松災荒之後委難議徵但二郡旣蒙

蠲貸他郡必皆效尤此項錢糧已成畫餅若欲
臨時設處則當民窮財盡之日苦於加派之難
分外

請蠲則值

內帑缺乏之時亦非可繼之道咽喉要地

國計所關甚非久安長治之策也伏望

~~來下~~該部將巡撫都御史周繼巡按御史李堯民所
請作速議發以濟燃眉之急仍乞從長計議另查別
項空閑錢糧或仍將一升米銀設法追徵每歲

收貯鎮江府但遇挑濬河道勘估明白申呈合
干上司照數動支工完造冊繳報庶幾財裕而
工可與法定而人可守其於運道有裨不淺矣
謹題請

旨

甄別司道官員疏

為欽遵

明旨甄別司道官員以重河漕事案照萬曆十六年
十一月內准工部咨該臣題為恭誦

綸音不勝感奮敬陳治河鄙見伏候

宸斷事覆奉

聖旨是近年河道官員不行遵守修防事宜因循廢
弛致有踈虞却又紛紛建議意見雜出何裨實事
今後務遵明旨加謹防禦每年終總河官將所屬

河道部司等官甄別具奏欽此除欽遵外臣竊惟
 南北運道不啻三千餘里總河之臣以一身彈
 壓于其間豈能家諭而戶曉日省而月視哉所
 賴於承宣者司道諸臣也司道不得其人則河
 情難於上達法禁苦於下壅鮮不誤矣我

皇上留心國計

軫念民生

特降明綸諭以得人為要仍

頒嚴旨假以甄別之權此實地方之福河臣之幸也

敢不仰承

德意悉心諮訪以圖報稱哉臣查得自北直隸以至
 浙江專管河道者部臣五道臣二兼管河道者
 部臣三道臣十一今當萬曆十七年已終相應
 奉

旨甄別內除蒞任方新伏秋修防未經委任及浙江
 水利道係臣原籍恐違近例不敢槩舉外以部
 臣言之如中河分司郎中沈修虛中雅能受善
 廣益出自和衷不假聲色而推赤心以鼓羣工

罔炫新奇而順水道以收羣策北河分司郎中
吳之龍直諒固是本真敷施尤多諳練勿喜更
張而因革自有條理無爲苛刻而章程具見整
嚴南河分司郎中黃曰謹勤恪足應糾紛老成
不事粉飾始任卽值橫流而䟽濬獨苦施工必
勤荒度而防禦有方臨清板閘分司員外何應
奇性不徇人政能剔蠹司輓司閘而遇事皆有
規條任怨任勞而一心惟知法紀南旺分司主
事王元命卓有古雅之風絕無脂韋之態言若

不出而泉閘庶務聿興體若不勝而官夫奉行
惟謹夏鎮分司主事余繼善通敏可當一面才
諳克濟時艱濁流四溢而兩月悉就安全諸作
並興而一身不餘遺力以道臣言之如徐州道
山東按察使陳瑛胼胝已及十年忠勞真如一
日曾抱全河而區裁有同指掌志專報

主而注厝不異承蜩分守東兗道管泉叅政郝維喬
涵養定而吐茹不形器識高而張弛自裕導泉
防河之曲當澤民利

罔炫新奇而順水道以收羣策北河分司郎中
 吳之龍直諒固是本真敷施尤多諳練勿喜更
 張而因革自有條理無為苛刻而章程具見整
 嚴南河分司郎中黃日謹勤恪足應糾紛老成
 不事粉飾始任即值橫流而疏濬獨苦施工必
 勤荒度而防禦有方臨清板閘分司員外何應
 奇性不徇人政能剔蠹司輓司閘而遇事皆有
 規條任怨任勞而一心惟知法紀南旺分司主
 事王元命卓有古雅之風絕無脂韋之態言若

不出而泉閘庶務聿興體若不勝而官夫奉行
 惟謹夏鎮分司主事余繼善通敏可當一面才
 諳克濟時艱濁流四溢而兩月悉就安全諸作
 並興而一身不餘遺力以道臣言之如徐州道
 山東按察使陳瑛胼胝已及十年忠勞真如一
 日曾抱全河而區裁有同指掌志專報

主而注厝不異承蜩分守東兗道管泉叅政郝維喬
 涵養定而吐茹不形器識高而張弛自裕導泉
 防河之曲當澤民利

國以咸宜分守濟南道管泉叅政楊芳秉長駕遠馭之才有憂勤惕厲之意釐析河泉之源委而擘畫甚當稽查額課之逋負而工費允資河南管河道副使陳九仞精勤率屬而事在先勞績密分猷而言可底績禦狂瀾一身如棄躬畚鍤萬苦不辭濟寧管河道副使曹時聘心事如青天白日才華若流水行雲昔守鳳郡而防淮之譽已彰茲擢東藩而治河之功尤茂蘇松兵備道副使李涑才可斷犀智能先物當庶務旁午

之日而䟽鑿必親值天時旱魃之秋而閭閻允附大名兵備道副使于文熙卓犖不事詭隨誠確雅能肩仔䟽淪衛水而

王舟無阻滯之患議建隄防而魏民有保障之功霸州兵備道副使蔣科才猷不尚揮霍趣向自是高明流沙之通澀不常運渠之䟽築知謹以上諸臣職任雖有不同要之公廉勤恪皆為一時之選所當薦揚者也內如郎中黃曰謹蒞事雖僅九月修防已畢一年按察使陳瑛副使陳

九仞近報陞任尚未交代叅政楊芳副使曹時
聘見任雖未及期前官俱兼河務皆臣所轄之
地似應并薦者也如蒙

勅下該部再加查議如果臣言不謬將諸臣次第轉
擢而中間相應久任者查照原

題施行庶幾防禦得人而地方永賴矣謹題請

音



程